



MOHARRAM

Résumé de Discours de Hazrat Khalifatullah Munir A. Azim (atba)

26 Novembre 2011 ~ 01 Muharram 1433 Hijri (après Namaz Esha)

*Après ki li fine souhaite zot tout Salam et **Naya Saal Mubarak**, le Messenger d'Allah (atba) fine lire le Tashahhud, Ta'uz, Surah Al Fatiha, li fine lire:*

'Inna iddatash-shu-shuuru 'indal-laahisnaa 'a-shara ran-fii Kitaabil-laahi yawma khalaqas-samaawaaati wal-'arda minhaaa 'arab-'atun hurum...

*« **Pou Allah, le nombre de mois dans ene l'année ki Li fine prescrire le jour ki Li fine créer bane les ciels et la terre, c'est douze mois, parmi lesquels quatre sacrés...** » (Ch.9 At-Taubah V. 37)*

Sa verset là condamne mauvais conduite de bane Arabs Païens (ki ti pé adore plusieurs idoles), kot zot ti habituer instituer par zot-mêmes ki mois zot bizin considérer comme sacrer, et ki bane mois pas sacré. Ene l'année zot ti pé dire ene telle mois sacré, et ene l'autre l'année zot ti pé dire sa pas sacré, ene lotte mois ki sacré. Zot ti pé faire sa pou ki zot gagne l'avantage lors zot bane l'ennemies, parski kan l'ennemies ti pé vini pou la guerre, zot dire ki zot dans mois sacré, malgré ki zot pas ti dans mois sacré ki Allah fine établir.

Alors Allah rectifier sa pratique de bane Arabes Païens là kot Li dire, dans So lizié ena zis quatre mois spécifique dans ene l'année ki sacré. Et sa bane mois sacré là c'est : Dhul-Qaddah, Dhul-Hijjah, **Muharram** et Rajab. Et sa fine confirmer par Hazrat Muhammad (saw) à travers Hazrat Abu Bakr (ra).

Tandis ki Dhul-Qaddah et Dhul-Hijjah zot les deux derniers mois de l'année, **Muharram** li, li le premier mois de l'année, ene telle calcul de temps ki ti exister depuis création de bane les ciels et la terre. Mais nous fine conne So l'importance vraiment avec l'institution de Calendrier Islamique ki basé lors calendrier lunaire, et plus spécifique lors Hijrat de Hazrat Muhammad (saw) de Makkah à Madina. Mais malgré ki calendrier islamique considérer depuis Hijrat de Hazrat Muhammad (saws), mais bane mois ki fine établi par Allah, et sa, d'après calendrier lunaire, lors visibilité de la lune, alors sa bane mois là fine exister depuis bien longtemps pareil couma Allah fer nous comprend dans sa verset Quran là.

Le fait ki sa pratique de calculation de bane mois fine exister depuis bien bien longtemps, alors pour bane Arabs aussi sa ti ene pratique ancien pou zot pou calcul bane mois et l'année d'après calendrier lunaire, ki ena environ 354 jours comparer avec calendrier soleil ki ena 365 à 366 jours.

C'est dans l'époque Khilafat de Hazrat Umar (ra) ki l'année islamique ki basé lors la lune fine établi définitivement, et d'après saki Hazrat Muhammad (saw) fine fer nous comprend, nous bizin guette lors visibilité la lune pou conner sipas ene mois pé commencer ou pas, et si arriver pas trouve la lune, alors dernier date ki ene mois capave ena, c'est 30 jours – ni 28 ou 31, mais sois 29 ou 30 jours (d'après visibilité de la lune).

Alors sa bane mois là (Dhul-Qaddah, Dhul-Hijjah & Moharram), ensam avec Rajab (le 7 mois du calendrier lunaire) zot sacré, et sa veut dire ki Allah fine interdit ki la guerre dans sa bane mois là. Dans l'époque avant l'Islam, ti ena beaucoup la guerre, ki li entre pays, et même bane tribus dans Makkah et les autres place dans l'Arabie. Sa la loi d'Allah là ki daté depuis bien bien longtemps fine bafouer par bane dimounes ki zot fer zot propre la loi pou décider ki mois zot bizin faire sacré et ki bane mois zot faire pas sacré, même si sa bane mois là zot déjà sacré dans lizié d'Allah.

Sa pratique là Allah ti bien pas content avec sa, parski kan ene mois sacré vine ordinaire, alors sa déstabilise mois sacré de Hajj, kot bane pèlerins supposé alle fer Hajj ; alors de ce fait, souvent des fois Mois Hajj ki vine ene mois ordinaire dans lizié de bane dimounes.

Alors pendant sa bane mois là, li recommander pou faire beaucoup Ibaadat et pou pas commette bane péchés. Kan mo pé dire sa, sa pas veut dire, ki li permette pou commette les reste mois de l'année. Non ! Mais respect pou sa bane mois sacré là ena tous so l'importance, ena ene limite ki Allah fine dire nous pas dépasser. Alors dans l'Islam, nous l'année commence avec Moharram et li termine avec Dhul-Hijjah (mois Hajj).

Quant au mois de Moharram, c'est ene mois rempli de bénédictions. Pendant ça mois là Allah Ta'ala montrer So bonté et descendre So bane bénédictions en abondances. Nous commence ene nouveau l'année mais puisque saison pas compter en Islam, nous pas fête nouvel an. Et éna zis deux fêtes dans l'Islam, Eid-ul-Fitr et Eid-ul-Adha. Dans le mois de Muharram, nous fête l'année pas couma bane lézot nation fêter, nous remercier Allah ki pé accorde ene l'occasion par So Grâce, pour méditer, lors So l'existence passée et pour réfléchi sur l'Avenir.

Le Messenger d'Allah (saws) fine dire : « *Meilleur Roza après le mois de Ramadhan c'est dans le Mois d'Allah, ki zot appelle sa Moharram. Et meilleur Namaz après bane Namaz obligatoire c'est Namaz Tahajjud.* » (Muslim)

Nous tout conner ki Ramadhan dans l'Islam li ene mois sacré rempli de benedictions, mais seulement li pas forme partie de bane mois sacré de sa quatre ki Allah mentionner dans Surah At-Tawbah. C'est dans Surah Al-Baqarah ki nous alle trouve so l'importance et commié sacré li sacré dans la vie d'ene *Mumin* (croyant). Astaire imaginer, ki Hazrat Muhammad (saw) fine dire ki Roza après Roza Ramadhan, c'est Roza dans Moharram ki pli sacré, et Moharram c'est le Mois d'Allah.

Le 10^{ème} jour du mois Muharram, premier mois de l'année Islamique, li le **Yaum-e-Ashurah (le Jour de la Consultation)**. Sa ene date très significative dans l'époque avant l'Islam, dans l'époque de Hazrat Moosa (as), kot c'est sa jour là ki li ti gagne la victoire lors Pharaon, et bane

Juifs ti habituer gagne ene jour Roza, comme ene signe de sa la victoire d'Allah et de So Prophète (as) lors bane l'ennemies. C'est aussi ene date historique et mémorable dans l'Islam kot beaucoup événements, à part celui de Karbala, fine ena lieu dans le passé et aussi kot d'autres événements pour ena dans le future. C'est ene jour ki ena beaucoup de bénédiction et Allah (swt) faire bane duahs *Qaboul* (acceptable). Li recommandé garde Roza ça jour là avec ene Roza la veille ou sois le lendemain.

Le jour d'Ashurah, faire *Ghusl* (prend ene grand bain) ; taille ou z'ongles, mette vêtement propre et rentre dans l'état de Ibaadat. Ça jour là, à part ou bane Namaz Farz, ou faire Tilawaté Quran, puis lire deux Rakaat Namaz Nafil en recitant, dans chaque Rakaat après Surah Fatiha, 10 fois Surah Al-Ikhlaas (Qul Huwallaaho Ahad...). Après Salaam, lire 1 fois Ayatul Qursi et 9 fois Darood Ibrahim (ki nous habituer lire dans Namaz) ; ensuite demande duah.

Hazrat Muhammad (saw) fine dire : « *Jour Ashurah, celui ki lire 4 Rakaat Nafil, dans chaque Rakaat, après Surah Al-Fatiha, li lire 11 fois Surah Al-Ikhlaas, Allah pour pardonne tous so bane péchés et pour construire mimbar Lumineux (en lumière).* »

Ça Ibaadat là purifié ene croyant de tous so bane péchés, élève li dans so Imaan et attire lor li la bénédiction d'Allah.

Li recommander pour garde deux Roza, c-à-d, le 9^{ème} et 10^{ème} jour Muharram. Hazrat Muhammad (saw) fine dire : « Après Fazilaat Roza Ramadhan vine grandeur Roza Ashurah et Ashurah so Roza li lave péché pendant un an. »

Et aussi li hautement recommander ça jour-là pour faire bane les autres Ibaadat pour cherche le plaisir d'Allah par exemple : Aide bane malheureux dans n'importe ki façon, nourri bane pauvres, tire sadqua, etc.

10^{ème} Muharram reste toujours gravé dans l'esprit de chaque Musulman pour prend conscience lor ça situation drastique de Hazrat Imaam Hussein.

Li recommander pou nous lire sa duah là le premier jour de Moharram :

DU'A-E-MOHARRAM

Allâhoumma antal 'abadiyoul qadeemou wa haazhihi sanatoun jadeedatoun as alouka fihaal ismata minash shaytaani wa awliyaa-i-hii wal 'awni 'alaa nafsil ammaarati bissoo-i wal ishtighaali bimaa you qarribounii ilayka yaa kareemou.

O Allah, To Eternel et c'est ene nouveau l'année ki pé commencer ; Mo demande Toi pour sa l'année là pou protège moi contre Satan et so bane alliés et pou aide moi contre mo nafs ki incline vers le mal et (mo demande Toi) pou faire moi occupe mo-même dans bane travaux ki pou rapproche moi de Toi, O Toi ki combler To bane serviteurs de bane faveurs.